

من النقاط المهمة جدا جدا انك في أول كام محاضرة تركز على الانستراكتور بحيث انك لو لاقيت الموضوع مش كويس تشتكي فورا لادارة المعهد و تشتط تغيير الانستراكتور ، خلى بالك ما يصعبش عليك ال Instructor أو اي حد ثاني لانك لو ما اخدتش الخطوه دي ح تندم واحتمال كبير ماتاخذش الشهاده

وارجع ثاني واقول اهم حاجه الانستراكتور

اخر ملاحظه في الجزء ده : حتلاقي اللي معاك في الكورس 3 انواع :

- نوع فاهم جدا/ وجاي علشان شركته باعتاه ياخذ الكورس
- نوع مش فاهم اي حاجه وجه الكورس لانه اتضحك عليه
- نوع ثالث بيحاول ويجتهد ومستواه متوسط

خليك مع النوع الثالث ، لكن لما تيجي تمتحن اسأل المجموعه الأولانيه " الناس الفاهمين " عن ال Tips and Tricks بتاعة الامتحان

الـSelf Study

نكون واضحين : لو مالکش في ال Self Study يبقى تسبب ال اي تي وتشتغل حاجه ثانيه

لأن كل حياتك ح تكون مرتبطه بيه ، وحتى لو اخدت كورس في اكبر معهد في الدنيا مش ح يكون كفايه لأنك برضه بعد الكورس لازم ح تذاكر Self Study

طبعا وسائل المذاكره هنا متنوعه سواء PDF او كتب الكترونيه " ونصيحه ياريت تعود نفسك انك تقرا من الشاشة لأن في ناس ما يعرفوش يذاكروا الا في ورق مطبوع وده طبعا بيعتقد الامور ويزود التكلفه "

طبعا احيانا بيكون في دروس بالعربي في المنتديات ، لو اللغه عندك كويسه ما تعتمدش عليها

غير الكتب والبي دي اف طبعا ما نقدرش ننكر اهمية ال " Computer Based Training " CBT وهو عبارة عن دروس مشروحة بالفيديو